

Na osnovu člana 72. Zakona o javnim nabavkama Bosne i Hercegovine („Službeni glasnik BiH“, broj: 39/14), a na osnovu provedenog konkurentskog zahtjeva za dostavu ponuda u postupku nabavke roba – mlijeko i mliječni proizvodi za potrebe KJU Dom za djecu bez roditeljskog staranja, dana 25.06.2018. godine u Sarajevu, zaključuje se

UGOVOR

Za nabavku roba – mlijeko i mliječni proizvodi za potrebe KJU Dom za djecu bez roditeljskog staranja

Zaključen dana 25.06.2018. u Sarajevu između

1. **Kantonalna javna ustanova Dom za djecu bez roditeljskog staranja sa sjedištem** u Sarajevu, Bjelave 52, ID broj: 4200556690000, koju zastupa direktor Saudin Đurđević / u daljem tekstu: **Naručilac** /

i

2. **“REDEX” d.o.o. Banovići**, sa sjedištem u Banovićima, ul. 10 septembar br. 18, ID broj: 4209069440003, kojeg zastupa direktor Amir Lapandić / u daljem tekstu: **Dobavljač** /

I. UVOD

Član 1.

Na osnovu provedenog postupka javne nabavke roba – mlijeko i mliječni proizvodi Ugovorni organ je Odlukom broj: 1241-2/18 od 13.06.2018. godine, odabrao ponudu Dobavljača broj 1 od 03.06.2018. kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

II. PREDMET I TRAJANJE UGOVORA

Član 2.

Predmet ovog Ugovora je regulisanje međusobnih kupoprodajnih odnosa za nabavku mlijeka i mliječnih proizvoda za potrebe korisnika KJU Dom za djecu bez roditeljskog staranja, prema tenderskoj dokumentaciji i ponudi Dobavljača.

Ovaj Ugovor se sklapa od dana obostranog potpisivanja i traje do 31.12.2018. godine. Predviđa sa ciljem realizacije isporuke roba tokom perioda ugovorenog ovim Ugovorom.

Ugovorne strane mogu isporuku predmeta nabavke vršiti po potrebi Naručioca, na osnovu dostavljene narudžbenice u skladu sa uslovima definisanim ovim Ugovorom i tenderskom dokumentacijom.

III. CIJENA

Član 3.

- Ukupna vrijednost ovog Ugovora (bez PDV-a) iznosi : **16.569,86 KM**
- Popust iznosi: _____ - _____ KM
- Ukupna vrijednost ovog Ugovora (bez PDV-a) i sa uključenim popustom iznosi: **16.569,86 KM**
- PDV (17%) iznosi: **2.816,87 KM**
- UKUPNA VRIJEDNOST/CIJENA Ugovora (sa PDV-om) iznosi: **19.386,73 KM**

Cijene su fiksne i ne mogu se mijenjati za vrijeme važenja Ugovora.

IV. USLOVI PROVEDBE UGOVORA

Član 4.

Cijene za svaku nabavku moraju odgovarati cijenama istaknutim u ponudi Dobavljača iz člana 1. stav 1. ovog Ugovora i moraju biti nepromjenjive.

Ukoliko u periodu trajanja Ugovora dode do promjene ambalaže ili pakovanja robe od strane proizvođača, na šta Dobavljač ne može uticati, Ugovorne strane su saglasne da Dobavljač izvrši preračun po odgovarajućoj jedinici mjere, tako da cijena po osnovnoj jedinici mjere na može biti promjenjena, a o čemu je Dobavljač dužan da pismeno obavijesti Naručioca.

Član 5.

Dobavljač se obavezuje da će početi sa isporukom odmah po sklapanju ovog Ugovora na zahtjev Naručioca.

Isporuka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku od 24 sata od dana ispostavljanja narudžbenice.

Mjesto isporuke roba je sjedište Naručioca ul. Bjelave broj 52. Općina Centar – Sarajevo.

Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku od 60 /šezdeset/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

V. OBAVEZE I ODGOVORNOST DOBAVLJAČA

Član 7.

Dobavljač se obavezuje izvršavati isporuke roba savjesno i odgovorno, na način određen ovim Ugovorom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

Član 8.

Kupac se obavezuje da će blagovremeno izvršiti narudžbu mlijeka i mliječnih proizvoda, a dobavljač je dužan u roku od 24 sata po narudžbi izvršiti isporuku iste koja odgovara kvalitetu i roku upotrebe shodno važećim zakonskim propisima za predmetnu nabavku.

Dobavljač se obavezuje da će ugovorenu robu dostavljati u čistom prevoznom sredstvu koje je opremljeno ispravnim mjeračima temperature i dostavljati robu kojoj je dozvoljeno robno susjedstvo srodnih namirnica.

Za robe koje se dostavljaju mora biti obezbijeden temperaturni režim prevoza: hlađeni režim prevoza, a ako je potrebno i zamrznuti režim prevoza. Sve robe koje su predmet nabavke moraju obavezno posjedovati podatke: rok upotrebe, deklaraciju, namjensku ambalažu i uredna svojstva (okus, miris, izgled) koje se utvrđuju vizuelnom kontrolom i ne smiju biti oštećene.

Dobavljač je dužan isporučiti robu sa urednom deklaracijom.

Prilikom isporuke roba koje su predmet nabavke dobavljač je obavezan dostavljati VS obrasce prilikom svake isporuke.

Kupac zadržava pravo da vrši uvid u isporučenu robu i u slučaju bilo koje sumnje, istu ima pravo reklamirati i vratiti u roku od 24 sata.

Član 9.

Za ispravnost i kvalitet isporučene robe odgovoran je dobavljač. Na zahtjev kupca, dobavljač je dužan da dostavi potrebne ateste o kvalitetu i ispravnosti isporučene robe od nadležnog organa i institucije kao npr. Zavod za javno zdravstvo, inspeksijski nalazi za kontrolu kvaliteta i drugo, a vezane za određeni datum naznačen na proizvodu.

VI. OBAVEZE NARUČIOCA

Član 10.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje Ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

VII. RASKID UGOVORA

Član 11.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Ugovora i uslova ponude ili učini povredu odredbi ovog Ugovora, Naručilac ima pravo jednostranog raskida ovog Ugovora uz pisano obavještenje.

VIII. RJEŠAVANJE SPOROVA

Član 12.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

IX. SASTAVNI DIJELOVI UGOVORA

Član 13.

Sastavni dijelovi Ugovora su :

- Ponuda Dobavljača broj: 1 od 03.06.2018. godine

X. STUPANJE NA SNAGU UGOVORA

Član 14.

Ovaj Ugovor stupa na snagu danom obostranog potpisivanja.

Član 15.

Ugovor je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:
Kantonalna javna ustanova
Dom za djecu bez roditeljskog staranja

Direktorica
Mr. Belma Ahmagić

Broj: 1306/18



DOBAVLJAČ:
„Redex” d.o.o. Banovići

Direktor
Amir Lapandić

Broj:

